

www.BibleForChildren.org


Matewuzhu 26



Siikhu sitha
ehinafiye siikhu
ya Paashikowa
Yinsa eettiye Betaaniya,
ottuukho aari wiikhalaawo
Laazaru, otule Yinsa
ansisimuliyeeeyo muufwa.



Aphano Mariyamu
khuthuula suupha ya
mafuttha oonukhela
awaatta nzurukhu,
khuttukunttela moolu a
Yinsa khusala akukuttha
na nyuuli zawe. Nnyupa
wooshimo khwiitaalamo
arufu ya mafuttha apale.



Aphano Yuuda Eshikariyoote, mmote wa apale khumi na awiri, khulawa wa mahaakhimu a tiini khwa shawuri za onzinkula Yinsa. Khwa mattakhuzi apale, yo wakathi ansiliyeevo khwiiya ofurahi na khumwaahiti Yuuda omwinkha nzurukhu. Khwa wakathi aya opo Yuuda aari weekesa kiphenyo saana yoori anzinkule.




Anakhiyoni khuretta etthiipile
ooziweezo ti Yinsa na
khuntthekeza Paashikowa.
Eettaka oja, Yinsa khuthuula
phaawu, khuparikhiya, khumeya
na khuwenkha anakhiyoni awe
araka: "Mwithuule na mwirafune;
opu mwiili aka."



Elottelanaka khuthuula jiikira,
khushukhurwela na khuwenkha
araka: "Mwinywe mooshi
mweeyo. Eti taamu yaka ya
wahati yitthiweeyo khwa
zwaamu ya atthu awaatta yoori
eswaamiheliwe twampi."



"Simawu, Simawu, Epiliisi avekela yoori oopepetthe nkhamama tiriku. Ila miiyo koolompela yoori amini yawo ehizime. Amana orutela wiiya vamote na miiyo, owaalipisele azaawo." Simawu khujipu yoori: "Mbwanaaka, miiyo kakhupali wuulotta hatha nkhamama nkalapooso, hatha nkhamama ofwa." Ila Yinsa khunjipu araka: "Miiyo kiniwuuza weeyo Pheeturu, yoori leelo eti likukhuwi lihineekhe, onkikhana swaafu ttatthu oraka khunkijuwa."



Aphano Yinsa khulawa na anakhiyoni awe puuro eniitthiwaaye Yetemaani, khuwooza yoori:

“Mwiikhale apha, miiyo kinttela olompa aphale.”

Aari olupa toono: “Oo Paapa zooshi khwa weeyo zinwaheya.

Okaattuwananise miiyo jiikira eti ya ohoowa. Ila ehirettikhane khwa matakhello aka, ila khwa matakhello awo.”




Aphano Yuuda khuthuula khuntti ya anajanka
khweetta ottuukho na mawaziri akina aya arumiweeyo
pi mahaakhimu a tiini na mafwarizeewu,
athuuliye vimwasikhelo, na zuuma za nvittha.
Aphano nakhiyoni mmote khushija
nshiilo la nkhono nlume la
karumeya wa haakhimu nwulu
wa tiini. Ila Yinsa khuri:
"Onlikhe ohinrutele!" Ye
khukhola nshiilo la ntthu
otule khunvonisa.



Aphano Yinsa nookholiwa khulawaniwa mpakha nlikokoro wa haakhimu nwulu wa tiini. Pheeturu khusala anlottelela Yinsa woohimwaattami. Yo khukhoza moottho vaje khusala oottha, naye Pheeturu khuta attaapho khwiikhala.



Elottelanaka, karumeya wa haakhimu nwulu wa tiini, jaama mmote wa otule Pheeturu anshijiyeeyo nshiilo, khumuuzza yoori: "Miiyo kaawooniye nwoorotha orina othuuto!" Pheeturu khurutela theenya okhana. Wakathi otthuupo likukhuwi khwiikha. Pheeturu khulaavo aphale vaya khusala alila ari wookafilikha.



Khulankha khuntti yooshi
khunthuula Yinsa khunlawana wa
Pilaatu. Aphano Pilaatu khumuuzela
yoori: "Ti weeyo mfwalume wa
mayaahuuti?" Yinsa
khujiyu yoori: "Weeyo
walupa." Aphano Pilaatu
khurutela owooza atthu,
atakhaka onleva Yinsa. Ila
atthu khusala anyakula



venkivene araka: "Akhomeliwe,
akhomeliwe!"




Aphano Pilaatu khunthuula
Yinsa khuwenkha anajanka
yoori ankhomele, yo khunthuula.
Yinsa khusaruwa attikhiwe
nsalapa awe, khusala
alawaniwa puuro yaari
wiitthiwaaye Kalavaariyu, khwa
luuka ya meepereewu yaari
wiitthiwa Kolokoota, . . .




. . . attaapho akhomeliweevo ye na
atthu awiri, wakhula mmote mpavu
mwawe, ye khwiiya vakatthi.



Phazira khuluyeene yaafinikhiyeeyo omwimpari
khuvaruwa vakatthi. Aphano Yinsa khukhuwa na kuvu
araka: "Paapa, rooho yaka kininkhelela mmakhono
mwawo." Noolupa nttakhuzi ntthile,
khwiittha phuumu.



Yuusufu wa Arimateeya, mwinyi wa fwayita na aari oretta phantte ya Mashawuriiya, oto naye aari oweja ota wa ofwalume wa Nluku, khulawa woominyalavo wa Pilaatu na khuveka mwiili wa Yinsa.



Aphano Yuusufu khuuzanya
kuwo yoolakala yoopeepheya,
khwiishusha mwiili wa Yinsa
vansalapa aphale,
khumputaputela va
kuwo etile yoolakala
na khunttha
nkhapuri

yaathipiweeyo
vamwaako.
Nawiisha,
khutthaavo
liwe liwululene
vanlako vaya.



Mmeesho mwaya, siikhu ya saapatu,
mahaakhimu a tiini na
amafwarizeewu khulawa
wa Pilaatu. Yo khumuuzza
yoori: "Mbwana,
ninfikhiri yoori wakathi
aariye haayi,
namattetekha otule
aalupiye yoori
siikhu ya

ttaatthu
ontta
osisimuwa."



Yo khulawa khusoromezavo
liwe ntthile lafuukaniweeyo
khapuri na khuwaalikha
attaaphale anajanka
eekeselaka.




Paata ya ovirisa Saapatu,
yeettelaka waaziwa siikhu ya
mwanzo ya sumana,
Mariyamu Mataleena na
Mariyamu nkina
khulawa woona
khapuri.



Aphano khupuwa esikinyaatthi
khuluyeene, maana nlayikha la
Mbwana leetta wiishukha
pinkuuni khuta mpakha
vakhapuri khususisa liwe
ntthile laafukaniweeyo
khwiikhalela.

Anamweekesela
khusala

athukumela
mwaasa wa
woova khumpuwa
nkhama afwiiye.



Nlayikha ntthile khuwooza aakha apale
yoori: "Mwihoove, kajuwa yoori
mweeyo mwinimweekesa
Yinsa otule
aakhomeliweeyo. Ye
khaamo mphu,
asisimuwa, nkhamama
etthiipo
aalupiyeezo.

Mwite

moonevo apha
aattattikheliweevo."



Aakha apale khusaruwa nkhapuri mphule
na waakuva eettaka woova na arina
furaha, na khusala atthira olawa
owooza anakhiyoni a Yinsa.




Aakha apale khusaruwa nkhapuri mphule
na waakuva eettaka woova na arina
furaha, na khusala atthira olawa
owooza anakhiyoni a Yinsa.

Nasaapiru, Yinsa
khuwaapuwelela na khuwooza
yoori: "Salaama!" Yo
khumwaattama na

khupatikha moolu
awe khumwaaputu.





Wiishela waya Yinsa khuwaapuwelela apale khumi na mmote, wakathi aariiyo vameeza, na khuwaashowera mwaasa woohikhupali na wuuma rooho zaya, maana khawaasileziye apale aamoniyeeyo wakathi asisimuwiyevo. Paata ya owoza mattakhuzi apale, Mbwana Yinsa khuweziwa pinkuuni khwiikhala nkhono nlume wa Nluku.



Khwa nanna etthiipo Nluku apheta
olumwenku afiyelela onleva
Mwanawe mmote paasi, yoori
wakhula otule aninkhupalaaye
ahipwetheye ila eeyane
ohaayi wa mileele.



Arooma 3:23 Khawiivo ofwarikhana, maana atthu ooshi akosa na ari peetiweene khwa ottitthima wa Nluku.

Arooma 6:23 Maana phakari ya twampi ofwa, ila tthuvo ya rehema ya Nluku ohaayi wa mileele khwa Yinsa Al-Masiihu, Mbwana eetthu.

Meepereewu 9:27 Wakhula ntthu ona ya ofwa swaafu moote paasi, nawiisha khusala alawa ophukiwa.

Ayeefezu 2:8,9 Khwa rehema moosurukha vakatthi wa amini, epo zaya khinlankha khwa mweeyo, tthuvo ya Nluku, khahiyo khwa khaazi, yoori ahiiyevo mmote anttelaaye ojisifu.



Arooma 10:9,10 Amana weeyo otukhuru na milomo zawo yoori "Yinsa Mbwana" na khukhupali nroho mwawo yoori Nluku ansisimula vakatthi wa ananfwa, ontta wuusurukha. Maana na rooho onkhupali khwa shariya, na milomo ontukhuru khwa nusura.

Yaahaya 3:16,17 "Khwa nanna etthiipo Nluku apheta olumwenku afiyelela onleva Mwanawe mmote paasi, yoori wakhula otule aninkhupalaaye ahipwetheye ila eeyane ohaayi wa mileele. Nluku amperekha Mwanawe voolumwenku, khahiyo yoori ahukhumu olumwenku, ila yoori olumwenku wuusurukhe khwa ye."



1 Yaahaya 5:11-13 Oshaahiti aya pi opu: Nluku aninkha ohaayi wa mileele, na ohaayi aya opo ori wa Mwanawe. Otule ari vamote na Mwaana wa Nluku onaaye ohaayi, ila otule ahina vamote na Mwaana khana ohaayi. Miiyo kiniwaatikhelani mattakhuzi apa mweeyo mwikhupaliyeeyo nzina la Mwaana wa Nluku, mwijuwe yoori mwinaaye ohaayi wa mileele.



Matewuzhu 26-28; Luuka 22-24; Yaahaya 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Koti Bible (eko) © 2020, Wycliffe Bible Translators, Inc. All
rights reserved.

<https://www.bible.com/en-GB/bible/2646/GEN.1.EKO>

©2026 Bible for Children, Inc.

www.M1914.org

www.bibleforchildren.org

